

明

史

明史卷四百七

盜賊傳

盜賊上

洪武年賊 陳永定 唐賽兒 宣德年 諸
賊 夏旭 葉宗留 鄧茂七 黃蕭養 年 諸
縣 胡趙成 劉介 李鬍子 寶龍 峒 賊
石城 土達 滿 四 河 北 賊 劉六 劉七 趙風 子
等 城 四 川 羣 盜 江 西 華 林 東 鄉 靖 安 大 帽 山
麻子 喻 老 人 江 西 縣 新 民 鄉 橫 水 左 溪 桶 山
賊 挑 源 洞 萬 年 縣 掛 賊 馬 平 賊 田 斌 妻
岡 三 寨 西 荆 頭 寨 柳 桂 賊 馬 平 賊 田 斌 妻
堂 尚 詔 廣 東 賊 張 璉 等 海 賊 吳 璠 田 斌 妻
師 尚 詔 廣 東 賊 張 璉 等 海 賊 吳 璠 田 斌 妻
大 足 賊 萬 羊 山 賊 張 璉 等 海 賊 吳 璠 田 斌 妻
林 浯 梁 梅 堂 劉 汝 國 天 啟 年 諸 賊 撫 民
山 賊 劉 汝 國 天 啟 年 諸 賊 撫 民
賊 山 賊 劉 汝 國 天 啟 年 諸 賊 撫 民

自古政治失而莠民起則負乘致寇何代無之然開

國草昧不遇如東海呂母瑯琊子都之屬耳迄乎既
衰黃龍白波因運竊發浸淫流漫遂費驅除卒未有
初起探丸既成斬木而國家大命即於此櫟揃如有
明二百餘年間者或謂全代規模基於創始成祖尅
意繕塞整軍飭旅窮邊絕幕區畫特周故累朝邊患
雖多究未遂盪搖其國步至若中原小寇往往藐視
不問遷延一十七朝雀苻草竊炎炎不絕而其後頓
成燎原之勢成敗之相形分於畸重不其然乎夫安
邊禦寇原與軍政相表裏明初兵力在邊而各省衛
所半係召募行軍職任僅屬之部司都司本非一城

也即衛所武夫皆無步伐止齊可當禦侮駐兵一督撫互相鈐轄而體統節制復多齟齬故盜賊起即易聚而聚即難散迨其後勢不得已閒用禁兵而禁兵亦弱閒用邊兵而邊兵更薄左支右吾遮前却後天下事乃不可問矣且夫拔本塞源在寬民力遏絕亂畧尤責得人事理照然不可誣也茲特列一代盜賊始末以明治亂得失之由考世者可以觀焉

洪武十四年程鄉縣羣盜起南雄侯趙庸帥兵擒斬賊首偽萬戶饒陸海等一百五十人其年冬延安侯唐勝宗帥兵討衛處溫山賊擒賊首吳達二葉丁香

及其黨四千八百人盡殲之嗣後有何迪有高福興
田九成僧人李普治皆能殺知縣抗官軍攻城畧地
然隨起隨滅皆洪武年驅除後初起之賊

永樂初有龍溪民陳永定負險為寇略傍縣累歲不
能制知縣劉孟雍以計掩獲之孟雍南昌人他賊惟
鍾均道為劇然出沒無定形或云均道死至十八年
而山東有唐賽兒

唐賽兒者蒲臺民林三妻也兒時能刻紙為人馬使
戰鬪自號佛母預言成敗事頗驗往來益都安丘即
墨壽光諸縣相煽誘奸民董彥呆為號召者卷之五

百人擐益都卸石拥寨青州衛指揮高鳳領之
敗績都布按三司遣人招撫即殺招撫者永樂十八
年帝勅安遠侯柳升勦之賊詐遣乞降云寨中食盡
且無水升往據東門汲道而賊夜西出襲官軍營殺
指揮劉忠升急追擊獲賊黨劉俊等男婦百餘而賽
兒竟遁賊黨竄鴻攻安丘官軍不能敵有倭倭都指
揮衛青聞安丘圍急率千騎晝夜行奮擊敗之賊將
餘衆再戰城中人亦鼓譟出擊竄鴻遁去殺賊二千
餘人生擒四十人皆斬之旣而柳升至青迎謁升怒
其專制捋出之青不為屈而是日鰲山衛指揮王貴

亦擊賊於諸城殺賊盡帝乃下升獄而令捕賽兒久
不獲慮難髮為尼或混處女道士中盡建山東北京
尼及天下婦女之出家者先後教萬人後果于尼中
捕得之初賽兒夫死祭奠回經山麓見石罅露石匣
角發之得妖書寶劍遂通曉諸術劍亦神物惟賽兒
能用之至是捕得將伏法怡然無懼色裸而縛之臨
刑又不能入不得已復下獄三木被體鐵鈕繫兩足
俄皆自脫遁去自三司以下及將校諸官皆以失寇
死而賽兒不知所之

漂陽人錢贊死而復生見李老君曰子福人也下以

圖大事遂聚衆反宣宗命襄城伯李隆捕斬之他
宣德年諸賊前後討平者有慶遠章敬曉青田陳才
永新蕭彥其會昌朱南政南鵬及妖僧李臯等

夏旭與隣人爭田格鬪為飛瓦所中大怒呼莊丁圍
其家殺二十五人官役捕之殺官役旭永豐人永豐
縣丞以百人往諭不聽且執丞撻之而醉以酒縱之
歸其語丞自稱都督指子弟曰是皆指揮官宣德九
年上聞奏曰此狂人耳遣刑部侍郎魏源諭之而令
都督任禮率禁兵二千隨其後曰假倔强者繼以兵
旭果倔強兵隨至故匪其精銳而以孱卒櫻其前旭

笑曰是紙人馬耳忽精兵自後排柵入縱火旭從烟
焰中鼠竄被縛梟于市

慶元葉宗留曾於正統初與麗水陳善恭盜福建寶
峰塲銀坑有司捕治不獲至十二年遂大聚衆掘少
陽坑數日計所獲纔給口食棄去復率聚之雲山徧
掘諸坑塲無所得還慶元居數日更往政和掘少亭
坑亦如之乃慷慨謂其徒曰以吾之衆即攫金于市
何所不得乃至疲絕壑捐生命給此口食豈吾數百
人無一宜得食者哉遂掠政和縣而還慶元號召得
數千人拜龍泉良葛山人為教師教以武藝一城

劫建陽所過焚掠從者日益衆乃攻下建寧
政張暎橫擄車盤嶺諸險官軍無如何其明年福建
沙縣有鄧茂七者本江西人亡命入福建至寧化依
豪民陳正景聚衆數百人反先是巡按柳華檄州縣
嚴什伍保甲茂七與弟茂八皆編為甲長嘗佃人田
例輸粟主家茂七獨令田主來領粟去田主訟之不
受縛乃下巡檢勾攝之茂七殺弓兵並殺官軍之追
捕者烏合數萬人自稱閩王與陳正景劫上抗還攻
汀州王景為推官王得仁所殺而茂七黨盛不可制
乃據松關劫商旅陷光澤邵武順昌諸縣會福建叅

政宋彰倚中官勢貪黷民不堪命尤溪蔣福成反襲尤溪據之與茂七聲相聞遂同劫州縣至延平御史丁瑄遣同知鄧洪帥官軍勦之盡殲官軍二千人瑄乃遣使招諭約免死茂七笑曰吾未中死法而煩預為我免之何也殺使者據延平之沙縣更稱剗平王設官屬而御史張海初至延平統兵四千人往勦至雙溪口道隘賊二十人伏村店兩傍俟兵過且盡有都指揮後殿將至賊伏猝起舉排柵塞路縛都指揮前驅不得返遂殺都指揮及從兵數十人前驅還禦賊登山拒衆喊而下官軍大潰乃進攻延平

范真彭璽俱戰死御史以聞帝乃召都御史
都督劉聚陳榮討賊楷師至浙浙撫請楷先擊葉宗
留而後入福建乃陣斬宗留楷未知也時榮以戰死
楷入延平會茂七破泉州殺知府熊尚初勦久無功
詔寧陽侯陳懋為征南將軍統保定平江二伯及都
督尚書太監等合兵進討亦不利楷乃陰致賊黨黃
琴羅汝先為間諜誘茂七攻延平設伏挑之佯敗賊
乘勝渡浮橋薄城闕廂伏發礮作合擊之大敗茂七
中流矢死斬其首露布以聞餘賊猶擁茂七兒子鄧
伯孫與女賊廖氏偽號女將軍者聚後洋廖氏毆寧

人妖淫善劍尤驍捷初以禦賊被酋為伯孫婦至是亦出戰平江伯陳豫指揮王鉞勦獲之賊平楷乃班師經浙復勦處州賊陶得二麗水賊陳鑑湖等皆誘降急訊葉宗留所在始知前陣斬緋衣者即宗留也先是宗留擄車盤時得二以數千人歸宗留而鑑湖與宗留同為鎮賊殺叅議竺淵忽與唐其等四百人以紅裋累首奔附茂七得二攻處州殺都指揮沈鱗叅議取定僉事王晟副使陶成而鑑湖掠福建江西諸境殺都指揮吳剛都督陳榮知縣鄧穎推官王得仁指揮龔禮即楷所統兵如韃靼回回諸功於一以

征二賊殺傷殆盡至是宗留茂七死用間謀誘之始
歸命籍其黨凡九千餘家男女各二萬餘口後景泰
改元侍郎孫原貞以福浙界多盜請析浙界麗水青
田二縣置雲和宣平景寧三縣而增福界置永安壽
寧二縣

黃蕭養者南海冲鶴堡人也以行劫械都司獄中踰
年所卧竹床生技葉衆咸異之曰此瑞徵也時同禁
重囚數百人皆山海盜蕭養陰相結賄獄吏飲酒得
携物出入禁稍疎遂藏斧燭鷲中內之而伏其黨獄
門外至夜晚衆囚械出之斧破獄門大呼內外響應

如數千人者劫軍器局得兵仗挺而走諸司各壘石拒門不敢動遂開城出奪船屯於縣東之潘村近萬人正統十四年八月圍廣州總兵官安鄉伯張安以醉戰舟中溺死而都指揮僉事王清從高州來援至沙角尾水淺舟膠賊載柴小艇若魚鹽者佯避賊奔逆近舟清問賊何在賊從柴中應聲曰在是遂縛清以及賜之跪廣州城下使呼啓門千戶錢惠出城頭罵清賊移清跪他所呼如前惠又援弓射之賊謂清無用殺清賊初起無據至是得官軍火鎗諸寇勢益振據五羊驛為行殿偽稱順天王改元東陽署其徒

都督指揮等官乃以舊叅議楊信民有德于民并議
遷信民撫廣諭諸賊賊已約降而信民驟死詔遣都
督董興出勅益以廣西江西兵賊圍城八閱月方造
雲梯呂公車將攀堞上而援兵適至時天文生馮軾
隨行占時日進兵夜見賊墜南岸軾喜曰破賊必矣
遂逆戰于大洲頭果大破之殺溺萬餘人蕭養中流
矢死梟其首其餘偽總兵五府都元帥慶國公曾賢
等百餘人並伏誅惟黃公龐南竄引山搖海寇為亂
陷欽州降於交趾董興駐廣城不出禦遣都指揮杜
信與戰死之叅政謝祐副使項忠復遣指揮張通出

戰亦不勝於是王翱總督諭撫羈縻而自翱而後
曰馬昂曰葉盛皆有戰功然隨撲隨熾及韓雍大征
至用兵二十餘萬而其禍始息當是時去蕭養已十
七年矣

天順四年八月藤縣民胡趙成因事充軍遇幸造妖
言構集山賊攻陷諸縣治燒劫官廨殺鹵諸軍民劫
商縛竇家寨巡檢而解其印廣撫葉盛統叅政范信
副使雷復都指揮韓瑄指揮張錦王銘諸官兵擒斬
趙成三十三人賊平

鄖陽大盜劉千斤以成化二年反先是鄖地多山通

積盜明初節愈以大兵勦元世山賊空其地禁流民
不得入正統中歲饑饑民徙入不可禁久之至數十
萬千斤在其中千斤名通河南人多力手舉西華縣
治門石獸重千斤因號千斤曾住房縣與妖僧尹天
風往來已有密謀而是年石和尚即石龍與劉長子
苗龍苗虎者刑牲將舉事千斤遂邀之同反踞大石
廠樹黃旗拜石和尚為謀主攻掠河南南陽間西至
漢沔東至蘄黃皆散據其地稱王偽號漢建元德勝
署將軍元帥諸官尚書白圭撫寧伯朱永督諸軍進
討至南漳湖廣總兵李震以土兵來會乃先分兵由

間道出賊後而後以大軍臨之賊數萬迎戰屬永病
圭督震分兵截勦大破之生擒劉千斤暨苗龍等二
千八百七十餘人陣斬二千五百六十餘級所獲賊
屬子女計一萬一千六百餘口馬畜無筭而劉長子
石和尚遁去既而永病愈更率兵搜餘賊而石和尚
復西出燒劫巫山大昌諸縣殺夔州通判王楨復張
甚圭遣叅將喜信指揮張英誘長子縛石和尚降磔
之遂班師其後餘黨有常通王靖張石英張剛等六
百餘人皆以次就擒而李鬚子最烈

李鬚子新鄭人名原寓居葉縣從劉千斤反千斤敗

鬻子與王標走免糾合餘賊小王洪石歪賻往來南漳內鄉渭南重號召饑民至數萬人僞稱太平王立一條蛇坐山虎名號官軍戰不勝成化七年都御史項忠全李震進討先張榜招饑民使棄賊自歸而後調承順保靖土兵大殺賊擒李鬻子於竹山縣餘黨俱俘斬殆盡其招集饑民得檢籍出山者共九十三萬八千五百餘口而涸處賊中俘斬者無筭忠遂以多殺被謗語具忠傳其後祭酒周洪謨著流民說其畧曰昔修地理志見東晉時廬松之民流至荊州乃僑置松滋縣於荊江之南陝西雍州之民流聚襄陽

乃僑置南雍州于襄西之側其既松茲遂隸于荊州
南雍遂併于襄陽此前代處置流民之成法也今之
流民百倍于昔而鄖陽曠土當湖廣河南陝西之界
深山大谷所在曠聚今使聽其近縣者附籍遠縣者
設州縣以撫之置官吏編里甲寬徭役而流民皆齊
民矣都御史李賓上其說而北城兵馬吏目文會復
條上三事一則荆襄地饒流民附籍則給以土田一
則流民雜處防禦恐疎當鎮以軍衛一則鄖陽上流
地廣山僻當多設府縣於總隘之處以互相統攝帝
命都御史原傑經畧其地且盡採諸說行之乃闢設

鄖陽府置湖廣行都司衛所及縣以處流民得九萬
六千餘戶兼設巡撫而割竹山地置竹溪縣割鄖津
地置鄖西縣其在河南則割南陽汝州唐縣地置南
召桐柏伊陽三縣而陝西析商縣地為商南山陽二
縣又以商縣為商州使所插流民各有屬

寶龍峒賊楊輝者羅劉寧餘黨也劉寧攻程鄉為官
軍所殺而輝逃安遠聚眾數萬於嶺北界上時征大
藤峽官軍遠調不及勦因而愈大副使毛吉曾以勦
賊有功於成化改元降旨凡有賊地方勦吉同總兵
巡撫三司督調官民人等相機勦捕其領軍官員有

不聽調遣者得徑問治而巡撫以下謂吉副使任過
重忌之凡前後調遣故不應吉自料民壯並旁近所
兵得千人而海康縣知縣王騏請從遂攻破寶龍諸
峒搗其巢且追殺餘賊于雷廉惠韶諸處至雲岫山
以深入無援騏戰死吉遂遇害然賊亦勦盡廣州民
立祠思之曰可憐雲岫山

土達滿四故元平涼衛萬戶把丹孫也洪武中把丹
來附授平涼千戶散其部落于開城諸縣號土達成
化初孛來毛里孩犯塞土達孛俊者畏其殺略獨以
羊酒奉孛來孛來喜賜之馬俊遂心動致仕都督張

泰畜牧鳴沙洲土達張把腰偷其畜泰聞於巡撫而
縣民逋徭者匿滿四所巡撫并下吏檄平涼指揮滿
璫捕張把腰滿四而滿璫者滿四姪也相持倉皇間
會叅將劉清新到官指揮馮傑歛土達金錢為餽官
儀俊率歛頭悻悻到四家惡言激四使劫璫為亂四
遂劫璫殺其衆號召土達於成化四年六月奔石城
石城者唐吐蕃石堡城也去平涼千里在萬山中四
面斗絕無徑懸繩而登山西頂平可容數千人而環
以墻墻高二三丈額乏水山隙有石甕可汲甕當棧
道棧外築小城護之前臨危坡高數仞如拱壁者而

凡山面背左右悉築城高二丈五尺各留小門僅容一騎環城皆亂山形甚惡昔人所稱石堡險固非數萬人勿克者四嘗圍獵至此羨其地又先此曾掘地得前代行帥府印以為瑞至是據之四名招賢王俊名順理王攻固原俊戰死清自靖鹵末戰不利四益糾隆德靜寧會寧諸土達至萬人巡撫陳价與鎮監黃泌寧遠伯任壽合都指揮邢瑞申澄率各衛軍往攻戰於城下復不利殺傷指揮王震等二百餘人遂命副都項忠都督劉玉都指揮夏正發京營神鎗官軍五千並調甘涼延綏寧夏陝西軍共五萬往討未

至价壽耻己之敗而又忌忠與延綏兵得專其功適
寧夏總兵廣義伯吳琮先至即邀琮自固原趨蔡祥
堡夜二鼓軍壘甫定比曉即出兵去石城十里賊數
千出迎請降有軍校馮信知兵言於价曰賊叵測我
軍力疲未足戰不如姑聽彼稍休徐議攻討琮叱不
可遽麾兵進賊遁去至城驅牛羊數千在前而精兵
後出時尚無兵仗持木挺關官軍大敗壽琮俱退保
東山价欲自殺左右救免時賊截靖寧掠奪甘肅糧
運聲言窺陝忠至并勅陝撫馬文升協勦先於營外
得賊書求宥罪長居石城衆知為詐乃圖其山谷形

狀分七路進兵忠與文升劉玉屯中路由莽金佛溝
進延撫王銳叅將胡愷由李俊溝進伏羗伯毛忠由
木頭溝進叅將夏正由亂麻川進都指揮姜成由墨
城子進副將林盛由好水川進都指揮張英由驢母
川進賊迎敵延綏兵失利毛忠先登奪諸峰要害斬
獲甚衆忽中流矢死朝議洵洵忠文升合計日久戰
賊窘賊素信神神降曰戰決於今日勝則利不則斃
不勝賊大懼請降忠但納滿璋而餘不許賊猶豫復
上山請戰忠乃却賊將揚虎狸為內應解所束金鈎
賜之遂捨四語具忠文升傳後賊復立舊連官火敬

為主忠進戰火敬走時滿四從子滿能最驍捷與俱
忠追捕詢之賊黨滿洪洪云火敬與能入青山洞忠
用火燻之俱就擒遂剗平石城勒石壁記功而還最
後簪帚山賊毛哈喇亦賊黨張幕薦居越一年官軍
勦擒之伏誅

正德四年畿南盜起時逆瑾用事瑾欲盜亟靖分遣
御史審杲殷毅薛鳴鳳於天津真定徐淮諸處專事
捕盜例御史出巡無家口至是許携妻以滅賊為限
鳳鳴至歸德挾守備會飲聚娼歌舞詔論為徐州弓
手毅在天津不事事獨杲奏立什伍連坐法盜賊捕

獲無虛日每械盜入真定用樂部前導鏡吹金鼓不絕于耳遂進果僉都仍捕盜先是霸州文安縣大盜張茂家有重接複壁多穿窟穴同時劉六劉七李隆揚虎齊彥名邢老虎輩皆附之內官多文安人茂善賂隣有北墳張氏為太監張忠族茂謬為已族凡事忠嘗因忠家人入豹房觀上蹋鞠意自得河間叅將袁彪數敗賊茂窘為求解於忠忠置酒私第召彪與茂東西坐舉酒屬彪彪曰此彥實吾弟耳無相阮也又舉屬茂曰袁將軍與爾好今後爾毋擾河間彪畏忠不敢誰何及果至惡之密遣巡捕李主簿佯為

優人彈琵琶入茂家具得其奧突率驍健就家掩擒之鉄折其兩股載歸餘賊走乞忠忠與谷大用為請於上將下赦而瑾家人梁洪索金不貲劉六劉七相顧謀須轉刦近境以足其數會楊虎燒燬官廨發覺六七知事敗散去涿州州官慕其能召六七協捕有功御史蔣瑋亦賞之或勸瑋并絕禍本二人聞颺去杲仍圖形捕二人抄其家繫累其妻子二人窮蹙會瑾誅杲亦被劾二人邀虎走附畿南盜白英招其黨攻破安肅縣刦取繫獄盜黨齊彥名旬日間得衆數千而於是有趙風子

趙風子名鏗霸州文安縣增廣生也有力任俠好大
言類風狂者因號風子劉六攻文安鏗率妻子避賊
立水中賊拽妻出水將汙之鏗怒挾巨石撲殺二賊
仍拽妻立水中劉六至壯之說使降鏗心動與弟鏞
錫謀曰今當勉為賊固已但毋為人後吾先聚百人
應之與之角立倘事成可指名也於是號召得五百
人與六七會河間指揮李瑾統京營千人往討不能
勝賊受風子教第颺忽去來無常處使官軍奔命凡
得民間馬一日夜馳數百里捷如颺風而官軍馬少
即有亦不能窮馬力尚書揚一清建言推用大將及

文武有才望者提督軍務乃命惠安伯張偉都御史
馬中錫統禁兵出戰而本兵何鑑奏禦盜事宜請築
城濬隍選補軍餘錄民間武勇勿使資盜而鄉村戩
保甲團練且設兵隘口防其奔逸其所條奏俱鑿鑿
可行而偉統禕縱賊中錫書生主招撫翻致大訐自
河間會後連攻博野饒陽南宮無極東明及深冀開
定諸境大肆殺掠遂從濱州臨朐淄昌樂日照蒲
臺武城陽信曲阜及泰安州所過無不下者乃分賊
為二趙風子劉三邢老虎楊虎分掠河南名河南賊
劉六劉七齊彥名分掠山東名山東賊然縱橫莫定

所破畿南山東河南南直諸府州縣反覆蹂躪有一
縣四五至者所至輒下如無人然大抵賊俱起畿內
時馬力馳驟不占城郭不立方所每戰驅脅從居前
呼噪衝突聽其勝敗以為笑樂然後自飭其精騎覘
勢進退莫可控揣且官軍利賊賂多縱舍指揮桑玉
嘗遇賊文安村賊矢隊六七匿民家高樓欲自到玉
故徘徊有頃彥名持大刀脇官軍斃斃者數十人至
樓下彥名曰呼諸敗軍皆呼彥名曰賊至矣六七控
弦出射教人去何鑑勅中錫與偉被逮是時諸賊破
棗強縣殺知縣段彥屠戮最慘乃命伏羗伯毛銳太

監谷大用兵侍陸完討賊而以邊將許泰卻求等聽
大用節制時劉七將窺京師駐霸州泰迎擊之賊敗
諸軍追擊至景州鑑播賊大劔沿路奔竄將趨渡小
灘河北而保定都司田彬指揮趙文出扼之賊績副
將李瑾遇賊于蒙山亦敗績賊復逞揚虎趙風子得
我軍神器盔甲及蟒衣兩人遂披蟒控馬列仗揚揚
過泰縣風子為下馬題詩而去先是賊破武定時傍
縣皆下惟樂陵知縣許達善守禦設伏殺賊賊畏之
帝擢達僉事兵備武定至是賊從泰安濟南而南歷
破州縣燒運船劫倉庫執主事王寵淮安知府劉祥

都指揮潘紳指揮陳鵬靈壁知縣陳伯安以及虹縣
虞縣知縣皆被執始釋而屢過武定不敢近於是聚
白龍王廟將渡河武平衛百戶夏時扼之揚虎溺死
賊乃推劉三為主稱奉天征討大元帥風子改名懷
忠稱副元帥立五軍分二十八營應二十八宿各樹
大旗為號而劉六等覘谷大用毛銳駐臨清復擁衆
至霸州將以十二月朔伺車駕出郊宮省牲祀蹕賴
何鑑密畫得不犯其鑑本傳當是時劉六劉七齊彥
名劉三趙風子邢老虎凡六渠各相約分掠以牽制
官軍而官軍當之輒選端雖前後報捷不下數十萬

而指名諸賊無一殄者毛銳旣衰老屢敗而谷大用擁兵觀望不敢戰甚至銳臨陣奔逃夫所佩將印而大用蔽之不為罪其邊將冒功如江彬白日殺冀州民三十人以當賊級而莫之敢問是以賊日橫而軍政日益壞劉三與風子攻陷上蔡商水西平舞陽葉縣諸縣殺知縣霍瑄王佐唐天恩等破裕州殺都指揮詹濟同知郁采等而屠其城然後轉掠襄陽樊城棗陽隨州新野以漸入南境嘗破寶縣僉事孫盤賫黃榜撫賊風子復書曰羣奸在朝濁亂海內誅殺諫臣屏斥元老乞皇上獨斷斬奸佞之首以謝天下

然後斬臣首以謝羣奸故其破泌陽以不得手及焦
芳為恨取芳衣冠被庭樹斬之而發其祖父母棺骸
至鈞州以馬文升家在鈞引衆去其假義如此七年
春命遼東巡撫彭澤提督軍務以咸寧伯仇鉞為平
賊將軍統延綏榆林兵勦賊澤大陳軍容責諸將退
縮顧軍政論行法建齋鼓行而前諸將皆惕息匍匐請
自効遂敗賊于西河縣斬二千級奪回馬騾器械無
算風子奔鄱陵由新鄭鄭州至滎陽汜水偃師與劉
三會河南府總兵馮損戰死乘夜奔汝水復犯汝寧
入潁州朱臯鎮官軍追勦之前後斬獲甚衆賊乃渡

河溺於河者五千人風子由光山六安攻破舒城至
桐柏略馬為知縣李聚所敗而總制彭澤督官軍敗
風子于六安州斬獲四百餘追至定遠應山隨州連
敗之仇鉞又敗賊于光山賊奔六安追至七里崗又
追至桐柏時邢老虎病死李鉞為劉七所殺張通陳
翰皆降而劉三被射自焚土地坡為官軍截首去獨
風子走德安嘆事不成行至應山東化山坡下遇僧
真安乞糲其鬚髮煉度牒與真安渡江入江夏唐虎
店晚飯為武昌衛軍人趙成所擒而六七彥名屢敗
於邊將李鑑將北竄陸完調許恭卻永成劉連破之

賊乃由文安而下至宿遷掠邳州之加口集遂由贛
榆過邳城復過呂梁總兵劉暉邀擊之敗賊于滕縣
又敗賊于郭家庄殺獲數千人賊且戰且走至魚頭
集復敗之將奔海套完率大軍與遇于古縣集時宣
大鐵騎咸集合圍諸軍奮勇擊斬首二千三百殺傷
三千有奇俘獲百餘賊衆殆盡而六七彥名獨挾騎三
百潰圍走乃復由靈壁而西踰棗林渡邳騎能屬者
纔三百人奔河南光山碓山入湖廣棄馬登舟復得
七百人駐兵武昌殺湖撫馬炳然為湖北官軍所追
風起檣折劉六死於水獨七與彥名仍糾水寇自黃

州九江湖口彭澤以及安慶太平儀真鎮江所逼殘
賊陸亮乃統諸將下揚州斬追退避指揮程鵬等將
截海口而七至鎮江或泊通州之狼山或屯常熟之
福山港遂凌駕江面縱橫上下通泰如臯或被流劫
乃復自通州泝江而上犯江西諸境復下通州遊獵
每謀自通泰登岸復還山東而揚州官軍拒之乃復
自海門而上泝燕湖采石凡三過南京莫敢抗又謀
入海由張網海口深入裏河不果忽復自湖口九江
而西寇南康迺遷蘄黃光固間謀登岸北行又不果
乃復還汎九江安慶至石灰河江口遂往銅陵時陸

完諸軍集江上都御史張縉王鎮叢蘭俞諫及副將
時源等分兵守要害賊復返鎮江進掠常州殺知府
李嵩還犯江陰殺縣丞余凌雲仍泊狼山下有舟三
十餘衆六七百人完留仇鉞駐鎮江而調劉暉卻永
以舟師趨江陰賊率衆移攻通州暉復擊之賊入船
是日颶風作賊狼狽甚復登山暉乘夜三鼓與卻永
任璽並進軍聲震天賊披靡走山巔憑石垣控險鎗
矢瓦石雨下暉永奮身前期以必殲皆戴盾膝行手
施礮弩且上且戰奪其垣賊墜崖奔竄有下山趨船
者船隘不得入暉反身逐崖下百矢齊發七投水死

彥名斬首麗文宣李隆被擒先是風子見獲時有楊寡婦賊與劉七以百騎寇利津僉事許遠擊敗之殲其騎于楊二庄而寡婦竟遁至是賊滅索寡婦所在不得及李隆解京獻俘與風子同訊午門云蒙山楊寡婦為揚虎所鹵留其營虎死入劉三營三死與棗強小趙氏宿遷路氏安肅揚聰明隨諸賊展轉南徙獲于隨州螞蝗村今見在俘中寡婦固未嘗隨七即七是時亦未嘗寇利津然後知向之所為劉七楊寡婦者皆冒其民而假焉者也然賊勢亦張矣風子曰凡吾為此本欲斬佞臣數人而不能也後論平賊功

封谷大寬為昌平伯大寬者太監谷大用弟陸永為鎮平伯永太監陸閏弟餘各陞賚有差

四川舊多賊先是成化中有廣安王永以行劫為鎮巡所撫復不悛大劫攻掠城堡殺人發益藏而其後招之不得同時趙鐸者德陽人家貧貸錢賂知縣求本縣陰陽訓術知縣受其賂而不之與鐸益貧不能償所貸會怨家徐貴告鐸通賊縣捕之鐸曰作賊如王永尚不能捕何通賊之有遂殺捕反一時羣賊如天澗溝揚瓚漢川僧悟昇花溪陳煥章連山河黃鶴子皆從之流劫銅陵內江及漢川德陽遠延至荆襄

所至莫禦偽立趙王及安將軍席評事諸璠殺知州
柴良知縣劉宣帝遣給事中童軒撫諭軒儒者遍歷
賊巢慰諭賊帥黃應高等流涕示心腑召與飲食給
券賊忻然有就撫者然率領券及安撫榜帖藏衣間
為護身符公然行劫軍民無如何未幾殺都督何洪
指揮楊瑛始命襄城伯李瑾帥京營兵討之而鐸已
先為龍州土兵所殺於是勦餘賊蔓廷未斷自正德
四年起至九年止其在川東北為藍廷瑞鄢本恕廖
惠在川南為方四曹甫廖麻子喻老人而劉烈為首
劉烈眉州人匪保寧山中為盜自稱舉人嘗劫漢中

鞏昌還詐傳已死所至人相驚他盜多竊烈名字官軍圖其形捕之懸重購至二千金官千戶終不可得烈死藍五起

藍五名廷瑞與鄰本恕廖惠家保寧嘗拾古棄印山中怪之未幾又得一劍以為瑞因名瑞而與本恕謀作亂號召得千萬衆自稱順天王稱本恕刮地王惠掃地王流刮鄆漢夔保新寧通巴諸處川撫林俊初請勅不報賊大誣乃遣刑書洪鐘出討賊鐘徘徊漢中與俊指畫多不合值廖惠破通江俊率官軍暨柙搬石砧土兵督戰賊大敗走至龍灘河半渡又擊之

斬八百餘人溺死者六千有餘惠擒廷瑞本恕遁
仁壽方四為同里王克儻耕冒姓王避揚友之亂與
江津曹甫遁于石阡之龍坪為土官所逐無聊遂為
賊時重慶賊曹弼先有名人稱二曹賊二曹賊皆與
廷瑞合弼寇綦江殺僉事王景廷瑞寇營山殺僉事
王源獨甫以元旦酬飲為林俊所襲連破五營斬甫
方四遁廷瑞乃大招流民從漢中入寧羗州遂攻畧
陽徽州成縣破其城殺千戶侯爵百戶毛劄舍人郭
玘等勢復振而弼敗死時帝切責鐘令赴保寧與俊
等合剿而廷瑞復自鹽亭刼柳邊驛殺百戶賈雄及

茂州知州汪鳳朝遂破梓潼魏城劍州殺判官羅明
及義官王思政鄭廷祿當時方四已流入貴州與別
賊任翳子喻老人合至萬人已陷婺州龍泉坪焚烏
江屯寨御史陳錫調永順保靖土兵征之不利廷瑞
趨江油將與之通而官軍遏之還漢中值鐘與俊督
大兵追勦而永順土舍彭世麟進圍之陝西界上會
食竭賊出告世麟請還川聽撫世麟以告俊俊未應
陝撫藍章在軍中遽令世麟護賊出陝境唯唯賊易
之臨撫不至約曰待之東鄉金寶寺當至屆期復不
至及至依山為營廷瑞本怒居營中不出見第使人

來言欲得營山縣治安插或臨江市駐其衆當出見
鐘許諾未幾復曰請以官為質而後見鐘不得已乃
遣漢中府通判葉賢質賊營于是使人來言曰可見
矣然先之以本恕本恕至見畢去然後廷瑞揚揚來
請見見則肆甚其言不可聞見畢徑去且降且刮翼
日劫松樹埡官軍見不平殺劫者賊遂殺所質葉賢
而焚其屍會廷瑞欲奔畏世麟詐以所擄女子為已
女請結婚世麟世麟知其詐陽許之密白之軍門且
定期邀廷瑞送婚宴廷瑞廷瑞辭以疾鐘俊囑廷瑞
所親鮮於金說廷瑞來赴廷瑞乃帥本恕王金珠二

十八人同時至至則伏兵盡擒之賊大潰鍾俊遣諸路追勦擒斬及溺死不可勝紀而廖麻子遁初方四合任翦子麻六兒寇綦江官軍敗之追至東鄉挫擄壩又敗之賊乃從貴州還寇四川而廖麻子與之合時俊憂賊勢聯屬將復盛急遣降賊周大冒招之不得而川撫高崇熙以四家仁壽取仁壽賊屬入營撫四四殺其族屬不聽撫俊乃統副使李鉞督諸將分兵為六哨由大埡小埡月埡進驟襲賊殺任翦子追奔三十里斬首千級生擒四妻妾翼日賊還擊奪妻妾去遁思南境上會俊與中官不合乞罷許之蜀人

哭送後攀援不得而賊乃復逞攻梁山殺主簿時植
并其妻至南川江津賊王長子應之破江津縣先是
方四寇蓬州制府遣副使張敏詣賊營諭撫而敏被
執歸至是洪鐘以被劾召還乃命左都御史彭澤總
制軍務同總兵時源指揮閻勳出勦已調土漢軍將
戰而川撫崇熙憾土兵擾民原有賊脫髮軍截髻土
兵又加剝之謹恐從此大勦民益不堪乃於八年正
月間兵未出時仍誘廖麻子聽撫遣敏於開縣臨江
市買田宅安置賜復三年上其事於朝將從之而賊
反大誣執敏屠殺數百人時土漢兵悉罷遣無如何

澤乃奏請急調延綏寧夏慶陽固靖諸邊兵合得三
千人方議勦民重被賊害而邊兵之擾民者且十倍
於昔於是逮崇熙及敏以不俟朝命罷兵褫冠帶下
獄鎮守三司掌印官皆戴罪殺賊而賊已逋誅逾半
載矣澤乃統諸將力勦成都衛軍餘范藻覘賊勢作
亂先平之而方四奔夔州為僉事馬昊所敗變姓名
潛行義官李清掩獲之送於官廖麻子奔羅江關勲
追及於劍州之青林口賊棄馬登阜而戰勲射之傷
土把王臣以鐵爬擊仆斬首麻六兒赴水死獨喻老
人從金堂出奔陳珣擊之於富村老人降既而復遁

或曰陣斬之於行木溝或曰老人善隱形臨戰墮於
行木溝遂不見以為遁云時尚獲他賊駱崧祥雷伯
定等

初江西建昌有醴原賊殺知縣范英不討而其後遂
有桃源洞賊洞連餘干樂平安仁貴溪鄱陽山谷深
險有王浩八者為庫吏盜銀亡命據其中得衆數萬
人僭號署官正德五年陷安仁縣巡撫王哲參政董
朴合兵三萬討之不利指揮秦勳與通判楊奎皆戰
死乃起右都陳金以便宜統各省鎮巡及三司官以
下調廣西田州土兵二萬人鎮安土兵一萬人進勦

而是時南昌有華林之賊撫州有東鄉之賊南贛有大帽山之賊

華林賊陳福一破瑞州鹵署府事通判姜榮家屬而叅政吳廷舉僉事戴敵勦靖安臨江諸賊皆失利會廣福流賊二千人連破永福樂安新淦諸縣執叅政趙士賢知縣申惠索贖勢大訶獨廣東程鄉賊張士錦寇贛之安遠副使王秩通判徐珪購鄉民之與賊通者擒士錦以獻賊遁正德七年廷舉始破華林賊於蓮河寨叅議徐蕃都指揮陸潮土官岑猛岑塗始破東鄉賊於熟塘南塲赤岸蔭嶺諸處然而華林未

平而東鄉則生擒賊首徐珏五揭瑞一等陣斬一萬
一千六百七十三級俘獲七百五十餘人破二百六
十五柵東鄉盪盡惟大帽未下是役也目兵功居多
然而殺鹵有難言者

大帽山賊以張時旺黃鏞為首攻瑞金疎殺知縣萬
琛賴撫周南拒戰於龍牙擒時旺而義民林富追鏞
鐵坑斬之指揮金堂等又破其六寨斬二千三百四
十八級俘一百八十八人而賊尚未靖

華林敗後賊黨尚衆有羅光權者更招集流散置十
六寨復寇州縣殺人以累萬計按察使王秩副使周

憲知府李承勳進勦前後敗賊于苟州貴塘之間進
拔仙女寨踰雞公嶺擒斬合數千人遂薄華林時勦
之三四年不靖意在速殄而周憲信謀言謂賊饑疲
可乘勝撲滅遂深入為賊所執遇害而其子幹以援
父戰而死承勳乃陰招賊帥黃竒者置帳中令散諸
賊衆而入為內應至期承勳挾步猛至山下選衆五
百人啣枚登山賊營鼓三下斬賊竒拔重柵蕪衆入
明火五百人奮刀斫內應者夾擊噪而馳賊潰亂不
知所為斬五千餘人蹂踐死者無算華林遂平而光
權於是時跳去復不可得

陳金進兵搜大帽山獲賊何積欽并劉斌陳鳳球等
俘斬一千七百人時饒州有萬春山寨地廣且險可
容十萬人夜聞金刀聲吐焰桃源洞王浩八將往搃
之金督兵遏其隘賊不得入乃遣董朴吳廷舉等各
分據險要而抽日兵驅其後毒弩蹶張破竹而進已
斬賊首殷勇十鄒成七等而浩八狡甚捲所有罄賂
土官遁去沿途棄老穉婦女殆盡行且餓至貴溪境
得一飽轉掠徽衢間而日兵驕甚金藉其力不能制
且上下皆厭兵遂因賊乞降許之號曰新民議設縣
以居奏請立東鄉為縣隸撫州並立萬年縣隸饒州

插新民其中金乃復討華林賊斬賊首羅光權及其黨胡念二等華林亦平謂自此可無事奏聞陞賞而浩八復叛破萍鄉縣吳廷舉禦之被執不敢害留賊營三月出之金乃被劾以副都俞諫代勦時浩八劫弋陽上饒衆復踰萬遂入浙開化鹵執同知楊磐等死者甚衆總兵李鑑統兵禦之而章仁者故石埭生員也少習妖書亡命與浩八合至是在賊中降賊茹七知之副使胡世寧僉事高賓遣茹七統二百人且勦且撫而茹七叛去縱兵大畧執安仁縣官氏二女將汙之不屈死已而茹七復乞撫撫已復叛守臣不

以聞臨川民陳琦連章入奏謂賊不盡滅不已於是仍命勦時賊已在浙都指揮白弘湖州知府黃衷軍馬金鎮叅將李隆僉事儲珊都指揮江洪嘉興同知伍文定軍華埠以禦之賊萬餘衝馬金破中軍執白弘去衷僅以身免復衝華埠不動文定乃整軍擊敗賊追至孔埠斬賊首汪十二等二十餘級李隆儲珊由昇口搥其巢斬一百七十級遂乘勝夾攻隆當其前文定扼其後復斬四百級而江洪以深入被執然賊勢已衰踰壕嶺遁還江西仍乞撫且扶弘洪為質按察使王秩許之令知縣龔淵等送之桃源復叛縱

兵大畧時建昌千戶鄧俊戰於七公鎮暴雨休兵賊
回戰殺俊遂奔裴源連營十里而俞諫與李鉉胡世
寧高賓吳廷舉各分道進攻出賊不意大破之俘斬
千計浩八易服匿山中其黨翁亨四擒獻之他賊奔
玉山者為知縣陳覽所獲奔桃源者為鉉廷舉所獲
賊衆畧盡鉉乃還鎮餘千而萬年之變作

初揅新民王重七胡念二等於萬年縣雖曰聽撫實
懷異志其所置胥吏又多賊黨官府動息必聞而副
使李情復嚴酷衆益憤惟憚李鉉未敢發鉉卒賊乃
殺縣丞馬環於菱塘燬公私廬舍遂殺情及督捕指

揮邢世臣饒州通判陳達秦碧照磨馬聰隸卒死者
無算而於是桃源東鄉及江西諸縣賊俱復發乃推
右都督劉暉代鎡討賊暉未至而胡世寧已誘擒樂
庚二陳卯四斬之叅將挂勇亦先獲茹七獻俘暨暉
至乃合諸將平萬年賊及臨川桃源大池以至萬斛
峯犂壁山諸寨傍及建昌豐城高安諸縣令地方官
所在搜擊賊幾盡而宸濠方謀逆竄之陰藉為用名
曰寨民於是人為謹曰賊何在在民寨王不臣賊為
民至濠以寨民反而王守仁起兵即用寨民力攻之
濠滅其禍遂息於是人復為謹曰黃河有時清寨民

可為兵

先是陳金俞諫討江西賊間撫間討原無大懲創而民間被害者不得雪鞅鞅諸兇既不自安且易之多覩覩復聚為盜乃以贛地險奧盡聚贛於是迤西有橫水左溪桶岡三寨接湖廣桂陽迤南有泃頭寨接廣東樂昌龍川江廣湖福之間方千里皆亂按贛前江撫李昂於成化二十三年謂地連四省多盜奏設分守叅將兵備副使各一於會昌縣以福建三千戶所江西南安瑞金二千戶所隸之並選民快六七千人分屯操守而於安遠之雙橋龍南之下歷各設巡檢

司犄角以禦盜賊及弘治中鎮監鄧原復請增設巡撫駐贛專理輯捕當是時布政金澤有盛名首簡是任韓邦問繼之兩人者討賊皆無功及周南勦廣福諸賊則仍調土日狼達往返經年糜費數百萬而追勦未靖隨撲隨熾至是謝志珊據橫水藍天鳳據左溪鍾景據桶岡池仲容據瀏頭志珊號征南王仲容號金龍霸王糾黨鍾明貴蕭貴摸陳曰能約樂昌高袂馬等大修戰具會逆濠陰通賊賊益無忌乃以文森能代南文森稱疾不敢赴闕住始用王守仁撫之正德十二年正月守仁至廉諸軍役之通賊者或汰

去或用為間諜而民間通賊先立十家牌法讖檢之
乃監前土日狼達征調蹂躪之害自籍兵備各屬之
有技者汰老弱三分之一而別選驍勇多力縣千人
捕之兼署為領率統以賢能官有防守者有應變出
師者立兵符教習之其法有伍有隊有哨有營有陣
有軍其符有伍符隊符哨符營符其說簡而詳其兵
志當是時守仁蒞任裁十日法雖具未能行也而漳
寇報急乃移文三省報諸叅副指揮會勦移訖即親
率副使楊璋進兵遇賊長富村與賊戰賊敗退保象
湖山追之至蓮化石對賊壘而軍會廣東兵至將合

圍賊遷潰圍出突殺我指揮章桓及縣丞紀鏞去諸將懼謂兵本未集即集亦未練是何能為不如俟秋期仍請調狼兵再舉而守仁叱之責以失律罪使立功自贖親率諸道兵進屯上抗下令曰犒衆退師俟秋期再議諸將譁然曰何如果如吾言賊聞之亦稍弛備守仁方晚食遽分兵三路時月晦乘晦啣枚入直搗象湖山奪其隘賊驚走悉衆據上層峭壁拊背而下諸將謂失勢將退守仁麾之奮而上自辰至午相持三省兵繼至從間突上賊大潰乘勝追勦斬賊首誓師富温火燒等獲七千餘級且預遣諸省兵過

破諸寨福建兵破長富三十五所廣東兵破水行大
重坑等寨一十三所賊盡平班師時甫二月逮五月
立兵符練兵七月上疏曰狼達兵不可用轉餉又困
民今民兵稍練矣請假以便宜令無掣肘使號令得
專一臣當相機盡滅諸賊或曰守仁之意蓋在濠也
然衆昧其意且以為迂笑之屢不報惟王瓊許之語
與瓊守仁傳乃先招降賊盧珂鄭志高陳英使聽用
遂勦大庾賊以其切近須先除潛師縱火破寨十九
所斬賊首陳曰能獲五百十級大庾賊平乃集諸從
事議曰諸寨為患雖同而事勢各異以湖廣言之則

桶岡諸寨為賊之咽喉而橫水左溪為之腹心以江西言之則橫水左溪諸寨為賊之腹心而桶岡諸寨為之羽翼今不先去腹心之患而欲與湖廣夾攻桶岡進兵兩寇之間腹背受敵非吾利也况賊但聞吾繳湖廣夾攻桶岡橫水左溪必觀望未備出其不意可以得志橫水左溪破而桶岡則破竹下矣乃遣都指揮許清自南康新溪入知府邢珣知縣王天與自上饒石人坑白面峪入皆會橫水指揮郊文自大庾義安入知府唐淳季數自大庾聶都穩下入縣丞舒富自上猶金坑入皆會左溪唯知府伍文定知縣張

戰率兵從上猶南康分入以過奔軼守仁親率兵千餘直搃其巢與諸軍會乃于十月初七日至南康去橫水三十里而軍賊抗之守仁乃夜抽鄉兵善登山者四百人人各執旗賫銃礮由間道攀崖伏於近巢左右之高巖俯而覘賊且度我兵至舉火礮應又預遣指揮謝昊率壯士夜上竊險先發其滾木搥石仍伏賊巢為內應十二日守仁驟進兵至十八面隘賊憑險迎敵忽山嶺礮發聲如雷烟焰蔽天下回視之則紅旗滿山謂官軍已據有巢穴將棄險走而謝昊兵亦自內呼噪殺而出守仁麾益進賊進退失據火

潰遂破長龍等五寨及橫水大寨而邢珣王天與各
破磨刀掉木鷄湖八寨會於橫水唐淳破羊牯腦三
寨又破左溪大寨而郊文舒富季數各破獅子長流
箬坑西峰十二寨會于左溪會天大霧雨糧竭乃下
令各營皆分兵為奇正二哨一前攻一後援用土人
為導勸諸小寨之未下者伍文定張戢亦連破數寨
與守仁會賊悉平而於是議桶岡之勦謂桶岡四寨
其所由入惟鎖匙籠葫蘆洞茶坑十八磊新池五處
然皆架棧梯壑勢難緣登獨上章稍平而紆道半月
攻取未便今橫水餘賊悉已奔入合勢力守善戰者

其勢險其節短使必乘全勝之鋒兼三日之程兼百里之利以頓兵于幽谷所謂強弩之末不能穿魯縞者莫若移屯近地休兵養威使諭以禍福彼必從不從則乘其猶豫襲之何所不可乃遣通賊戴罪官民李正叢劉福釋其罪並縱所獲賊鍾明貴者于二十八日懸壁入諭之期以十一月一日會於鎖匙籠聽撫賊猶豫既而堅持不聽然遑遽不暇為備至期遣使鎖匙籠促降而別遣邢珣入茶坑伍文定入西山界唐淳入十八磊張戢入葫蘆洞俱初一日冒雨進賊首藍天鳳鍾景方出鎖匙籠候命忽聞諸軍皆透

險震愕急奔入內隘擡水而陣邢均麾兵渡張戢繼
之文定繞崖出戰右賊四竄將復由鎖匙籠出前奔
而舒富王天真從籠口入賊悉衆走十八磊唐淳遇
擊之賊四顧失據會日晚諸軍托險守次日迸進賊
大潰乃破桶岡大寨及梅伏烏池西山界十八磊鐵
木里員分大王嶺二十五寨會湖廣兵至令許清余
惡留橫水桶岡以防復聚而遣湖廣兵散勦諸寨之
未下者乃破上中下新池杉木坳十餘寨又破魚黃
寨時賊盡奔鷄湖穩下朱雀坑諸寨諸將連破之於
是橫水左溪桶岡三寨賊俱盡賊首謝志珊藍天鳳

鍾景蕭賁摸等皆面縛獻俘守仁出師凡兩月破賊寨八十四斬賊首八十六從賊三千有奇俘獲三千遂議于橫水等處建城設崇義縣以控之乃議勦剌頭先是征橫水寨時恐三剌乘間乃使人諭降賞以銀布諸賊心動有黃金寨賊率五百人至聽用獨池仲容不肯從其後破橫水竟用黃金賊立功仲容始畏之於征桶岡時亦遣其弟仲安來請從征揣其意實欲覘動靜且乘間為內應也守仁知其詐於其從征遣截上新池以迂其路不使奪隘至是桶岡破賊大懼私為戰守且益備守仁密召近剌諸縣民被

賊害者詢之得其情各受以方畧使歸集兵衆候命而以平桶岡之故遣使勞牛酒至三湘察其變使見賊嚴備問故賊度不能隱皇恐說語使者曰龍川新民盧珂鄭志高吾讎也彼將掩襲我故為恪吾敢防官軍哉守仁佯信之時仲安在軍中守仁啟戟門公言珂等讐殺大無道移檄龍川縣廉狀且令仲容除道候輿師討珂等仲容使馳謝謂無勞官兵當自防蓋不欲假道也初盧珂鄭志高陳英三人皆龍川新民領舊兵二千為守仁所用故諸縣近泃則皆見脇於仲容而三人抗之仲容恨入骨至是檄龍川廉珂

而珂等三人反齊詣軍門告變暴天髻反扶大髻者
仲容號也守仁怒立縛三人將斬之曰大髻方遣弟
領兵報効而敢以私怨誣罔敕兵隙呼仲安來前曰
汝謂其弟不在耶仲安叩頭辨守仁慰之遂械繫珂
等置重獄而密使人諭獄中令無恐且令遣使歸諭
珂弟集兵衆候命十二月二十日守仁還至顛張樂
大享將士衢巷皆燃燈鳴鼓下令曰諸寨盡平吾軍
士勞苦久矣宜休兵為樂以度歲時遂令皆解甲歸
臘而遣使頒曆三荆友諭仲容勿撤備防珂弟掩襲
仲容初得繫珂信喜過望至是聞諭則意益大安守

仁乃購仲容所親者說仲容當自投訖且曰官意如此何可不親一詣謝仲容曰欲伸者先誥理也吾亦欲一往覘贛州所為遷率黨九十三人皆捍首齊詣贛宿祥符宮先是守仁檄諸路及龍川兵皆伏集候命其諭珂弟亦如之至是遣金趨荆頭而夜釋珂等使急歸發兵然後乃出見仲容勞之張小宴令諸官屬皆次第設犒緩其歸久之度珂已至家諸州縣兵當赴荆乃大宴於庭先伏甲士引之入盡斬之無遺遂親率兵從龍南冷水直搗下荆時正月七日副使楊璋指揮郊文知府陳祥邢珣李毀推官危壽指揮

余思姚壘縣丞舒富皆從破寨三十八擒斬賊首五十二從賊二千有奇賊乃據險伏龍子嶺官軍為三樹犄角進賊走余思遇伏幾被執遂推官危奔救之賊復盡銳奔九連山山橫數百里四面陡絕惟一面得上賊尚八百人已據險官軍不敢近乃選精銳衣賊衣佯奔抵暮至崖下賊下招之兵度險遂上下奮擊四路設伏絕奔鞅一鼓擒盡獨賊首張仲全等二百人匿別嶼皆慟哭叩土請降遂納之允許日荆平捷聞仍請設和平縣以控之乃歸其後樂昌盜高快馬尚集一千七百人掠大庾南康贛縣主簿吳玘戰

而死守仁復平之於是南贛千里皆無賊

擲挂在湖廣東南地多獍寇官兵累勦之不絕正德
初土人龔福全倡亂稱延溪大王其黨劉福興李斌
高仲仁黎穩藍友貴俱署官據烏春山臘栗諸寨殺
都指揮鄧昊安仁知縣韓宗堯聽選官鄭志熙朱隆
等守臣以聞時帝方巡遊未省也至十二年湖撫秦
金復以聞乃勅金與贛撫王守仁廣撫陳金會勦守
仁兵素練聞命即行秦金以叅將史春領兵仍用土
官彭世麟佐之兩廣兵亦至遂練日由桂陽魚黃熱
水郴州紫溪臨武芭籬堡爭險而進初破對里平石

子馨山寨斬監友貴繼破烏龍山斬李斌繼破大小
王山斜寨布洛角魯荏山坑坡諸寨則彭世麒生擒
黎穩俘之繼破黃土烏泥二塘金鷄寨婁子園獲李
斌之子李仲清繼破箕衣秀才鄧家魚黃朱廣老虎
東嶺斬沈鸞時所鹵婦女釋兒無算悉放去或曰劉
福興在臘乘乘轎張黃蓋樹幟焜耀山谷間是日破
臘粟生擒之於是又破平竹水東嶺九龍江大王山
諸寨斬揚禮保遂破牛頭天堂南延莊大烏魚跳企
山諸寨生擒李仁才麗海繼破曹雄坑扶峒良坑鷄
公背神鎬脚長灘諸寨又破廬田栢木白水帶下樟

溪青峒十八壘石笋峽諸寨擒劉德才時所燒房屋
無算賊墮崖死者不可勝計乃遂破上黃城背猪婆
老虎延壽黃圃斬梁景聰方是時賊首龔福全未獲
也乃懸購生擒五百金斬首半之或曰福全匿禾倉
石世麒乃與弟世麟進破走馬山及禾倉石擒福全
是日除夕福全置酒飲其別將破東坑者獲福全妻
並從子龔秀賊平前後計斬共二千五百五十四級
俘獲一千七百八十人破寨一百二十所散歸者無
算惟賊首高仲仁已遁後南贛官軍獲之廣東仁化
縣界中

論曰河北之盜與江西之賊其縱橫流漫與崇禎寇
同而通奸藪積窟穴險阻則米脂烏合擲澗暴露未
嘗有順成弘正百餘年之久湖福江廣三四省之興
也然而成敗頓殊興滅相反或曰正嘉竊發當宣孝
休養之後即繼之武宗之繼世宗之監而崇禎不傷
崇禎擾攘丁燹廟極喪之餘即繼之烈皇之治而元
氣已竭其說似是而實則時無否泰人有治亂向使
殷辛必嗣桀而亡建武必繼高而興則崇侯可戡周
赤眉不降漢矣夫篡亂貴速而除惡務本有明自仁
宣以後代有通寇豈無乘時奮興遮相驅除而實則

根抵未斷以漸綿蔓其始也如斬木之有搓拚遊塵
之有蟻蟻而既則如把毳毛如掃飛籜如劃流水旋
把則旋生旋掃則旋下旋劃則旋合且其人生不足
重死不足輕獵繩扑蠶無閑多寡而此則一失利而
民耗餉絕軍國且重創矣故湟中巴郡以衆見滅而
黃中流毒三輔朱儁段熲數戰而殲之此無他操之
於無餘而收其所未散也夫闖獻初起原本涓涓即
其既橫亦豈無要隘之可扼而闖賊竄商洛而故關
其圍獻忠走達州而翻縱之出雖前乎此者十五年
間固全無一人可緝討賊而驅其機坐失其手捧河

山而畀之么小死且莫贖而黨其人者尚欲原其事而為之解之則何心與故有明之亡在乎無兵亦在乎無人浸假二正之間無項忠韓雍彭澤諸臣則不能稍延而無王守仁則二百年之天下其不為崇禎之禍烈者蓋呼噏間也吾故於守仁之勦賊可畧指之為後世鑒者方守仁未至贛時早有三省夾勦之議而守仁爭之謂相賊聚散隨便撲滅則既省征調復免供饋必欲夾攻則計賊料兵計兵料餉檄眾歛儲數月始辦兵未出而賊則已流竄久矣即有所勦非良民則曾從耳是以兵甫撤而賊復起且夫征調之

兵百倍於賊前事可鑒也乃既上而夾勦之議牢不可破守仁不得已復假為夾勦之法反覆奏辨名雖三省而實惟一致如桶岡近湖則先湖而後廣三洲近廣則廣進而湖退其於緩急先後多方調劑以至於曲全夫守仁豈不欲徵兵數百萬給餉數千里為行軍侈哉乃必爭之至再至三極至湖廣兵至而却之三洲既破而廣東兵尚未聞也蓋不承廟算不設監軍不用征調不需供餉不別將吏不煩記功雖曰我戰則克事理固然然其思患預防之苦心亦可鑒矣崇禎諸臣不是之法而凡所為者皆守仁之所不

為遷延狎獵以至於敗亡悲哉若夫賊盛於招撫列
代皆然守仁云招撫之說可偶行於脅從之民而不
可常行於怙終之寇可一行於回心向化之徒而不
可屢施於乍服乍叛之黨吾言乎至於策盜諸既
惟胡世寧能言之有曰舊招者不赦再叛者不招新
起者必撲噫盡之矣

廣西馬平賊周克亮嘗伐藤山中當天蛇咒曰他日
貴者蛇却行咒畢蛇卷身退而其妻照水有金花插
頭上克亮戒勿泄然喜自負嘉靖元年馬平饑克亮
與從兄盜礦無所得遂反僭署名號散劫馬平諸縣

界得數萬人總督都御史張嶺以聞遂命嶺勦之數
月平

王堂青州人以盜礦起顏神鎮殺指揮楊浩沅劫萊
蕪新泰臨城曹縣諸境山東河南俱震時兩省兵備
各以兵少遲却第得賊出境為幸科臣陳時明請留
山東京標軍並調保定諸土達官軍會勦而賊不復
聚但往來行劫間從曹州渡河犯河南界且乘河水
合將劫漕乃復命督漕都御史俞諫以便宜勦賊自
二年正月至三年四月始平遂請設兵備于顏神鎮
是年樂安盜唐經亦聚眾為壽光知縣孫峻所滅

青羊山賊者潞州民陳卿陳綺也卿曾為藩府長史
司吏以失志棄去與其子綺據青羊山寨為亂名青
羊賊流劫潞州諸州及河南懷慶西撫常道請發三
關兵討之大敗執指揮秦訓知州王朝雍去道恐黎
城知縣王良臣請巡按務相招卿卿益肆曰朝廷何
能為分聚教萬人各據險隘有所謂魯班壑穿腦尖
線口洪梯半崖谷堆底門樓安陽諸名官軍不敢近
如是五年巡按蔣揚初赴任因復請討而賊脇近山
居民籍記編甲伍官軍屢敗廷議謂罷兵便即不可
或仍用招撫惟揚以清持勦議張總佐之始點常道

代以會都王應鵬同都督魯綱帥邊鎮諸兵進勦七年八月綱以軍駐潞安仍不敢進初賊聞師至豫出山四掠本以觀變為進退計至是乃大寇黎陽潞城殺掠民畜燒焚屋廬千里內如暴風捲浪所過傾蕩而後乃還保山險時河南林涉修武俱重被賊害河無湍塌憤甚檄副使翟瓚牛鸞僉事陳大綱揚朝城督兵進勦翟瓚乃掩賊不備遽奪井腦破魯班奔腦搆其內險賊迎擊敗之追至莎草嶺燒安陽等巢趨李莊東賊且奔具戰塌乃麾兵搥老寨賊力不支分其衆為三官兵四集環破之擒賊帥殷得海等卿寤

甚乃詣陳大綱請降其餘賊奔石返頭牛鸞盡殲之
而執其子綺與其弟陳奉陳訪陳諒等當是時魯綱聞
賊平揚兵同奏凱給事中夏言曰魯綱坐潞州未嘗
見賊而飛章告捷何也即令言勘之八年言復命并
言潞地寬宜改州為府而設縣于青羊山以鎮之遂
改潞州為潞安府設長治縣附郭而割壺關潞城黎
城三縣地以立縣于青羊山曰平順縣
常熟黃良通州秦璠據江陰之馬駝沙聚衆通洋劫
商旅截漕焚運舟嘗由奔牛北入孟瀆直達大江府
衛捕盜官統兵追之皆被殺且縛一捕盜官於危橋

業射之以為衆警科臣楊雷開於朝詔責操江王學夔巡江胡賓而置指揮鮮明道董揚及張瑤周寧于理嘉靖十九年總兵湯慶駐鎮江討之明年賊平仍撤鎮江總兵官

嘉靖二十五年汶上田斌妻連氏與白蓮僧惠金妖人楊惠通煽亂焚殺曹單滕濮間凡所掠丁壯醉以藥咒之使列陳前則愁戰不避死傷以故從者日益衆東撫何鰲以狀聞即命鰲討賊鰲坐視不少動無何賊大熾西寇歸開南掠徐鳳治河都御史詹瀚集役卒格關敗之衛兵繼至獲斌及連氏餘黨釋去鰲

忌翰奏瀚擅殺伐不道帝聞大怒曰汝賊犯亂地方官不能勦捕而他人勒之不自知引愧而反陷他人擅縱何無良一至此立命錦衣速鰲下鎮撫獄久之有解之者削籍去

師尚詔家柘城為司市老人陰蓄異志歸德知府尹一仁信用之使捕盜尚詔故嘗與盜通及假以捕則專甚得自為縱舍乃結劇盜數千人起兵時同里舉人陳開詩有名脇為主不從自絞死尚詔感之戒勿殺儒生勿擾學舍於是整衆薄府城府衛官知變將嬰城守而賊黨有內應者先啓門內之諸官匪學舍

獨檢校董綸走城下見殺乃劫獄囚掠帑藏相載而去初尚詔未叛時剽奪傍近富人貲累萬金買娼家女為姬至舉兵向府委其家不復憚念無有犯我者而拓城少年素狡僧乘尚詔出度未返即率俠客數十人掠其家傾所蓄金灌其娼姬去尚詔歸聞故大恚詢姬所由姬頗識少年舉以對尚詔遂率衆圍拓城索其人縣官不即予守又無策城遂破搜其人支解之去而圍太康亦索怨家一二人署事楊通判者懼不能守執其人縋城予之斬首去河撫楊宜統都岡尚克詔指揮李瑋進勦戰鄱陵敗績官兵死者數

百人勢猖甚衆至數萬沅劫睢州西華扶溝許州臨
潁諸州縣後賊病非圍副使曹邦輔襲之賊敗走永
城又敗之東奔宿州官軍追及於五河賊奪舟分水
陸二隊允詔乘其分急擊之大潰尚詔變服遁獲於
山東莘縣賊起凡兩月破府一州二縣八屠燬鄉鎮
殺戮合二十餘萬三省皆震

廣東賊張璉者饒平縣之烏石村人殺家長以命殺
害賊鄭八蕭晚先刻石置一曰飛龍傳國之寶投諸
池詭泅水得之以出聚視大驚曰此帝王符也歛兵
推為長知縣林叢槐親往撫之璉笑曰塵埃中亦知

有天子哉。借帝號，改元，造曆，開科，署王侯丞相諸官。所居有黃屋朱城，二重，聚衆十萬，縱掠汀漳，延建及寧都，連城瑞金，攻陷雲霄，鎮海衛，南靖諸城。三省騷動，福撫游震得檄，指揮王豪率三衛軍與福州通判彭登瀛領鄉兵進勦，大敗。登瀛歸罪，豪震得執豪，答之。斬隊長以下四人。三衛軍不伏，會副使汪道昆閱操，至教場，三衛軍大譟，格殺鄉兵數人，而請殺登瀛。聚城南，久之始散。嗣後官軍不能勦，即調狼達兵征之。皆不利。帝憂之，總督胡宗憲上疏言中風，願乞骸骨。言官劾宗憲歸避，宗憲不顧，先奏以三月十六日。

華兵既而敗四月十三日所徵狼兵十餘萬自費餉
給帝召尚書楊博議博奏遣都督劉顯叅將俞大猷
勦之以萬五千人乘破出寇搃其巢璉還顧失據乃
分賊四隊且守且禦官軍逼賊營望其城柵甚覆旁
環以水寨無慮數百遂進逼城柵而遣別將以火攻
左右焚其寨賊大潰乃懸購獲璉者萬金官指揮獲
晚千金官千戶賊黨郭玉誘璉出擒之并擒晚於是
通賊林朝曦葉槐李文彪余大春等皆前後被獲合
計擒斬共二萬餘級俘獲解散共九萬降者無算因
設平遠縣於程鄉之水平營而設伸威營於興寧程

鄉安遠武平四縣間乃平遠新設降盜梁國相復叛
知縣王化初到任寄妻會昌縣親率鄉兵勦捕之賊
反間會昌言化戰沒化妻計氏自刎死化聞大恸將
發喪賊喜攜衆以為未勦也化急統兵擊斬之其他
伍端溫七皆乞降時大征倭夷伍端自縛詣軍門求
効大猷許隨征立功授以官

俞天猷討海寇吳平平乞降既而復叛設三城海上
縱橫南澳活嶼閩劫詔安漳浦殺把總朱曰璣王豪
福建總兵戚繼光討之賊入舟遁既而繼光偕大猷
夾擊且遣叅將湯克寬破賊于萬橋山下會暮大風

火攻焚其舟賊大敗多赴水死或曰平竟道或曰平
是時死水中

隆慶二年廣東山寇曾一本犯省城屯海珠寺俞大
猷擊走之其明年一本引倭夷寇鹽埕碣石諸處衛
所官禦之無功時雷瓊叅將耿宗元馭下衆聲言欲
斬賊將廖鳳等四人四人懼會宗元閱兵教塲四人
忽鼓譟召衆殺宗元執通判潘槐去與一本合屯兵
平山大安峒逼寇海上詔大征總兵郭成趨大浦由
白雲屯入以攻平山凡月餘生擒廖惠等四人倭酋
丘古所二人俘斬從賊從倭合一千四百餘人奪歸

潘槐以下六百八人獨一本遁去又明年大猷乃擊一本於柘林澳又擊於馬耳澳時郭成亦至又合擊于萊蕪澳擒一本及其妻獻俘乃又擊葉丹樓葉萬王西橋藍一清賴元爵等當是時有議兵餉者疏曰海賊一萬每用兵十萬用兵一萬每費餉至七八十萬大征之為患如此

大足蔡伯貫以白蓮教挾衆為亂僞號大唐天寶元年連破合州大足銅梁營昌安居定遠璧山七州縣帝命川撫劉自強討殺之其時復有會勦黃中之役黃中萬年縣賊見土司傳

汝西萬羊山賊張茂於隆慶二年聚衆反顧撫張紳
初至官即令萬安營守備董平勦捕以死令搜山山
多藍戶皆種藍為業賊衆合藍戶拒敵而巡按劉光
濟主撫峒將士猶豫遂大敗帝切責撫按令協議毋
各執己見乃兩用之先以撫嘗賊賊不聽然後議勦
勦已復撫凡一年其後賊出寇竟用勦滅而撫終不
用

向種遍天下陝西延慶間尤衆峇無生產坐車賣藥
仰食他傍縣萬曆八年李宗鷄倡亂陝督高文薦請
勦而回實編戶與民間謀居結婚姻勦之不便不得

也。用撫遂聽撫。如有年至十二年歲大饑，回五百人皆騎馬執兵器，由涇州走靈臺縣，據高山為壘，居數日，復奔麟遊縣。如沅寇者，都御史李汶請兵使千戶徐金以六百人合巡撫，鼓行而進，賊復走永壽縣。過分水嶺，追至玉梅灣，敗之。復徙三水縣土橋鎮，已走淳化，轉耀州，與饑民合，遂據文王園為險，圍去州可四十里。時謂列兵塞隘口，堅守十日，可立斃。徒逐之，何為哉？副使原一魁推官張守乾執不可，曰：「此窮寇也，使散去，遂縱之走白水縣。明年又進兵，始擒賊首馮毛等科臣顧九思疏曰：賊起必有所由，始不行。」

進論則疎縱之罪何以懲於前賊敗必有所由去不知所向則蔓延之禍何以杜于後聞者聽之

蝓蟻賴元爵馬公藍一清皆巢賊巢賊以千計而二賊爲首萬曆初廣東民伏闕本兵譚綸覈狀始遣總督殷正茂討之惠潮諸生三老蛇行出國門悲號伏道左獻圖圖諸賊膝殺狀而簿記所殺自嘉靖至今合殺十八萬八千九百餘人名籍甚悉正茂乃合十二營官兵并徵左右江土兵共二萬辦餉九萬逼破湖惠和平長樂興寧程鄉海豐歸善海陽一千餘寨斬獲一萬三千餘級是時嶺東曾廷鳳陳金鶯譚權

伯皆請降不許乃復討嶺東殘寇九大溪峯岑岡下
歷諸寨皆相繼進勦惟高要六灣遲久始破而嘉靖
通盜於斯俱盡

鮑時秀者龍川撫民也號鷄毛白在嘉靖中嘗劫河
源歸善博羅諸縣縛通判洪章主簿陳濬去勒金錢
贖還乃阻義都猴嶺為巢招亡命習演會天書而其
妻杜工妖術能走沙石擊人面時秀每見人面被擊
輒大快曰阿杜真吾妻也於是附之者請時秀王東
粵稱無敵洞王出入擁大蓋策駟橫行城郭間城郭
民鳥徙去萬曆初朝命殷正茂勦之時秀請降既而

復叛其明年總兵黃應甲等復勦之擒時秀斬首其妻以叛婦律給功臣家

澄海林道乾嘉靖中為盜降既而以死子茂入彭亨國為都夷使招道乾道乾詣軍門明白辭去封還前所給一十七劄竟行廣督殷正茂檄暹羅安南共討之暹羅乃使使握坤啣請曰道乾更名林浯梁在臣海灣中欲會大泥國入寇今已統兵向頭關矣正茂與福督劉克誨遣香山吳章佛郎機沉馬囉味及舡主囉鳴樹咬吡啾同擊道乾乃奔佛丑海嶼去同時諸良賈林鳳李茂隨道乾入寇皆滅盡獨道乾莫

知所終

梅堂於萬曆十四年入蘄州為盜而宿松長溪山中
劉汝國者本以匠役為武藝教頭梟傑多智因犯法
繫獄忽毀械竄身出無所歸遂附堂既附執宿松巡
檢枷其項游市而殺弓兵於其前知州徐希明廉居
民之雄幹者曰潘按予以兵密託之擒盜按設計與
吏目蕭芬賣漿宿松古車嶺候堂過擒堂而汝國健
捷跳身走先是汝國有所善番僧五人善捉剽客三
人善刀弩時相往來以汝國繫獄散去至是各來覓
忽遇之大湖縣界會旱災饑餒衣裝皆盡汝國遂拉

之為盜自稱順天安民王鑄銅印大書替天大元帥
衣紅衣出入擁大蓋駐二即河就富民箱圍招徠饑
民共食之饑民隨者數萬人晝焚楓香驛殺掠居民
盡逃竄指揮苑勳百戶鄭國重皆相視不能救而安
慶宿松諸府縣俱託以入計謝去撫臣以聞乃遣守
格孟儒周弘謨率兵過黃梅至宿松度兵不走仍請
徽播犄兵待戰會蘄州判官陳策自負善射帥鄉兵
隨往弘謨止之不聽戰於長溪竹麻尖大敗策中鎗
死弘謨亦被創走賊乃乘輿入宿松城擄賊還柵六
即河明年二月巡道陳有德分兵屯太湖宿松而自

為檄文使二僧招之不聽反移書有德謂豪家不法
吾取其財以濟貧此替天行道而違之是逆天也時
廷議切責促進兵會稽訖兵至乃遽分兵逼賊柵夜
津賊焚柵而遁追獲二十餘人賊奔師工山將窺安
慶入黃州渡江而吳時德州盜凌子雲為知州任春
元所執於是諸將急追賊猶拒戰大敗悉走天驚尖
隨道斬獲百餘人追至金堂寺生擒汝國斬安慶市
天啓中妖賊並起鉅野徐鴻儒以白蓮教倡亂聚眾
鄆城同時有聞香教王好賢者本深州人其父森曾
救一妖狐狐斷尾與之人就森則異香繞衣然實無

見也森所遺金數萬好賢藉之召諸豪而景州于弘
志聚無賴劉捧榷會與好賢結納遂偕鴻儒約同起
而鴻儒以他事相激先發寄家口於梁山泊刑牲起
兵攻魏家莊又攻梁家棧據之遂連破鄆城鉅野二
縣兗西道關調羨以聞帝命巡撫趙彥總河陳道亨
合捕之不得乃復陷鄒縣滕縣知縣棄城走時括遺
餉急雖徵兵無餉可給止練鄉勇責有司捕治復不
能禦賊彥乃暫留秋班遣兵令都司廖棟統之勦諸
賊賊始窘殺賊數千中有四大金剛衣中匿紙人俱
燬去而別賊攻夏鎮者截運河奪糧船四十艘總河

啓急帝命兵部叢兵防守會沙溝營把總姚文慶集鄉勇渡河擒賊十一人殺五十餘人奪回漕艘然賊猶復劫官營殺都司遊擊楊國盛等僭稱大秉興勝元年連兵十餘萬謀先取兗州次取濟南官軍環蹙之且以訐誘賊就撫乃於碭山初復之際賊高尚賓等縛鴻儒出降籍其黨共三萬人馬驟罷仗稱之時景州于弘治亦以攻景州為官軍所敗斬弘志馬下惟好賢走薊州逢久就擒其年四川亦有白蓮賊洪象白台先等為巡撫朱燮元擒捕正法

艾山賊劉永明稱安民王以二十八人塗面稱二十

八宿聚黨二萬餘人合鄒滕賊共十七枝天啓二年官軍攻破之獲永明臨刑猶自稱寡人云

論曰正嘉群盜如蝟毛不堪盡載或曰嘉靖三年有五星聚營室主天下兵起其多寇或氣運使然然其君臣亦大略可覩已當時指名盜雖為害久顧非受取不閔廟筭或無預地方要害暨軍政得失且未嘗調遣禁報達諸旅則皆在所畧故如山東李之強兩廣龍水賊荆襄河淮四川王洪江西徐九齡海寇歐家政漳州施安錢滂俱未錄及至若竹溪竿子寇妖人馬祖師沈雄太湖張安懋蘇州周二礦賊張戩茶

賊揚四白蓮喬濟時直鼠竊狗偷耳何足道哉